

SINDIKET SELEWENG DIESEL SUBSIDI DAN TAUKE STESEN MINYAK ADA 'MoU'

GUNA DUA NOZEL SERENTAK

Oleh Mohd Jamilul
Anbia Md Denin
anbia@hmetro.com.my

Kuala Lumpur

Makin menjadi-jadi dan haloba! Ia susulan kemunculan puluhan sindiket atau 'penyangak diesel' yang mengaut untung atas angin mencecah ratusan ribu ringgit sebulan.

Lonjakan kos sumber tenaga susulan krisis Russia-Ukraine diambil kesempatan sindiket tempatan meningkatkan kegiatan penyelewengan serta menjual diesel subsidi dicuri kepada pihak industri.

Hasil maklumat diperolehi Harian Metro, perbezaan tinggi antara harga diesel industri sekitar RM3.30 hingga RM3.80 sen seliter berbanding harga runcit diesel subsidi iaitu RM2.15 seliter menjadi 'tarikan' utama

RM2.60

Harga seliter diesel di pasaran gelap.

sa.

Sumber berkata, sindiket penyelewengan diesel subsidi mampu memperoleh keuntungan besar sekitar 50 sen hingga RM1 ringgit bagi setiap liter diesel diseleweng.

"Mengambil kira perbezaan harga diesel subsidi dan diesel kegunaan industri iaitu sebanyak RM1.65 sen, sindiket masih mampu menjaga keuntungan besar apabila ia dijual di pasaran gelap pada harga RM2.50 sen atau RM2.60 seliter.

"Di sini wujudnya komplot rangkaian antara sindiket dan segelintir pengusaha stesen minyak yang membekalkan diesel subsidi ke



PEGAWAI penguat kuasa KPDNHEP Putrajaya menahan lori yang digunakan sindiket untuk membeli dan mengumpulkan diesel subsidi.

"Pemandu lori terbabit didapati tidak membuat pembayaran tunai di kaunter stesen minyak berkenaan. Besar kemungkinan wujud MoU (memorandum persefahaman) apabila sindiket akan membayar diesel dibeli menggunakan kaedah lain dipersetujui.

"Setakat ini pihak KPDNHEP sudah memberi amaran keras dan terdapat beberapa stesen minyak dan pemborong sudah digantung lesen dan kebenaran kerana melakukan aktiviti penyelewengan ini," katanya.

Menurutnya, berbanding petrol atau gas petroleum cecair (LPG) subsidi, margin diperolehi sindiket melalui hasil penjualan diesel subsidi kini lebih menguntungkan.

Difahamkan Kementerian Perdagangan Dalam Negeri dan Hal Ehwal Pengguna (KPDNHEP)

bermaksud untuk menjual ke stesen minyak yang lain menjadi 'tarikan' utama selain punca aktiviti penyelewengan semakin berleluasa

Stesen minyak yang lain bekalkan diesel subsidi kepada mereka. "Melalui harga pam runcit

diesel RM2.15 seliter ini, pengusaha stesen minyak akan membenarkan kumpulan sindiket membeli sebanyak mungkin diesel subsidi menggunakan lori diubah suai," katanya kepada Harian Metro

Menurutnya, ada antara lori digunakan sudah diubah suai bagi membolehkan dua muncung nozel digunakan serentak dalam satu masa.

"Diesel disedut masuk kemudian dipindahkan serta merta menggunakan motor khas ke tangki tersembunyi di atas lori. Kegiatan ini dilakukan berulang kali menggunakan lori sama," katanya.

Menurutnya, segelintir pengusaha stesen minyak ini bukanlah rakan kongsi sindiket sebaliknya mereka hanya mahu 'melariskan' jualan diesel sebanyak mungkin.

"Mereka (pengusaha stesen minyak) hanya mengedar *volume* (kuantiti diesel dijual) tanpa mengambil kira siapa yang membelinya



TANGKI khas pada bahagian belakang lori yang digunakan untuk menyembunyikan diesel subsidi.

termasuk rangkaian sindiket penyelewengan diesel ini.

"Bukan semua mereka (pemilik stesen minyak) bersubahat namun mereka tahu dan ambil sikap 'pejam mata' jika ada lori milik sindiket membeli diesel dalam kuantiti besar.

"Sepatutnya pengusaha stesen minyak ini perlu me-

mantau dan bertanggungjawab menyenarai hitam lori-lori yang digunakan untuk mencuri diesel subsidi ini," katanya.

Menurutnya, berdasarkan maklumat risikan dikumpul, ada lori-lori milik sindiket sedia 'berkampung' di stesen minyak untuk mengisi penuh diesel sebelum berlalu pergi.

dan Hal Ehwal Pengguna (KPDNHEP) memandang serius isu ini dan syarikat terbabit boleh disiasat mengikut Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (AMLATFPUAA 2001) (Akta 613) iaitu kesalahan pengubahan wang haram bagi tujuan mengesan, membeku, menyita serta sehingga ke peringkat perlucutan hak ke atas apa-apa hasil pendapatan atau harta yang dijana daripada aktiviti haram penyelewengan barang kawalan bersubsidi terutamanya berkaitan minyak diesel.

"Jika disabitkan dengan kesalahan mengikut Akta 613 ini, suspek boleh dipenjarakan selama tempoh tidak melebihi 15 tahun dan juga boleh didenda tidak kurang daripada lima kali ganda jumlah atau nilai hasil daripada aktiviti haram atau peralatan kesalahan itu pada masa kesalahan itu dilakukan atau RM5 juta yang mana lebih tinggi," katanya.

ANTARA KES PENYELEWENGAN DIESEL BERJAYA DITUMPASKAN

21 Mac 2022

KPDNHEP Putrajaya berjaya menumpaskan aktiviti penyelewengan diesel bersubsidi hasil serbuan di sebuah stesen minyak di Kota Bayuemas dan Kampung Baru, Telok Gong serta merampas 40,390 liter diesel.

23 Februari 2022

KPDNHEP mengesan sindiket penyelewengan diesel bersembunyi di tapak binaan di Jalan Pintasan Dengkil, Selangor dan merampas 64,400 liter diesel subsidi dianggarkan bernilai RM178,347.85. Pemilik sebuah stesen minyak turut diambil tindakan.

20 Februari 2022

Pasukan Polis Marin Wilayah 5 (PPMW5) merampas 12,000 liter diesel bernilai RM25,800 cuba diseludup keluar negara menggunakan sebuah lori di Jalan Sibubintangor, Sarawak.

17 Februari 2022

KPDNHEP merampas 4,800 liter diesel selain sebuah lori tangki hasil serbuan di stor penyimpanan di Tambun, Perak.

14 Februari 2022

KPDNHEP Putrajaya berjaya menumpaskan sindiket kegiatan penyelewengan diesel bersubsidi susulan serbuan di sebuah premis dan stesen minyak di Jalan Klang Banting, Jenjarom Kuala Langat, Selangor. Diesel sebanyak 26,459 liter bernilai kira-kira RM56,888 dirampas.

27 Januari 2022

KPDNHEP Pulau Pinang menggagalkan cubaan menyeleweng 2,800 liter diesel bersubsidi bernilai lebih RM6,500 hasil serbuan di sebuah stesen minyak di Jalan Bukit Tengah, Pulau Pinang.

13 Januari 2022

Pasukan Gerakan Am (PGA) menahan tiga lelaki dan merampas 6,000 liter diesel cuba diseludup di sebuah jeti awam di Jalan Ding Lik Kong, Sungai Merah, Sibubintangor, Sarawak.

3 Januari 2022

Pemandu lori ditahan selepas membeli diesel tanpa permit sah di sebuah stesen minyak di Serdang, Kedah. Sebanyak 1205 liter diesel bernilai RM2,590 dirampas.